



Elimu ya Juu ya Kweli

Unifundishe kuyatenda mapenzi yako, Kwa maana ndiwe Mungu wangu; Roho yako mwema aniongoze kwenye nchi sawa.—**Zaburi 143:10.**

“Furahini katika Bwana sikuzote; tena nasema, Furahini.” Wale wanaofanya hivi wanayo furaha ya uzima. Hakuna ubaya unaotoka kwenye midomo yao au kutoka kwa angahewa inayozunguka roho, kwa kuwa hawajisikii kuwa wao ni bora kuliko wengine. Jifiche ndani ya Yesu Kristo; kisha wakati wote ukweli wa Mungu utakuwa unakufanya kufaa kwa ajili ya wakati ujao, uzima usio kikomo. Unapomwamini Mungu, uzoefu wako sio wa kukopeshwa, ni wa kwako mwenyewe. Hata uwe na tabia gani, Mungu anaweza kuifinyanga tabia hiyo kiasi kwamba itakuwa nzuri na kama ya Kristo. Kwa imani iliyo hai unajitenga na kila kitu kisichopata na mapenzi ya Mungu, na kwa namna hiyo unaleta mbingu maishani mwako hapa chini. Je! Utafanya hivi? Ikiwa utafanya hivi, basi utakuwa na nuru ya jua katika kila hatua....

Elimu ya juu ya kweli ni ile ambayo inapokelewa kwa kuketi miguuni pake Yesu. Nyenyekeeni chini ya mkono wa Mungu ulio hodari, Naye atawainua. Huna haja ya kujisakamua ili kujiinua. Mkabidhi Yeye kazi yako; ifanyeni kwa uaminifu, kwa unyofu, katika kweli, katika haki; na utakuta kwamba kila siku inaleta malipo yake, na kwamba nuru ya mbinguni inakuangazia. Nuru Yake, neema Yake, wokovu Wake, ndivyo vinavyofunuliwa....

Tunajua kidogo sana juu ya Yesu Kristo ndiyo maana tunaweza kufahamu kwa ufynyua sana kile Atakachotufanyia. Mungu anataka tujifunze Kwake.... Hebu ujenzi wako wa tabia upatane na mtindo mzuri uliofunuliwa kwa wanadamu katika maisha ya Kristo.

Katika maisha yako yote unapaswa kufanya kama mkulima afanyavyo katika kuzalisha matunda ya duniani. Inavyoonekana anaitupa mbegu; kisha, inazikwa katika udongo, mbegu, katika kufa, inaota. Nguvu za Mungu aliye hai huipa uhai na uhai, na nguvu, na inaonekana “kwanza jani, tena suke, kisha ngano pevu katika suke.” Jifunze mchakato huu ajabu. Loo, kuna mengi sana ya kujifunza, mengi sana ya kuyaelewa, ambayo inaonekana kana kwamba hatuwezi kujifunza kila kitu katika maisha haya—na hatuwezi. Lakini ikiwa sasa tutaboresha akili zetu kwa kadiri ya uwezo wetu, tutaendelea katika enzi za milele kudumu kujifunza njia na kazi za Mungu, tukiendelea kufika juu zaidi na zaidi.

Tunahitaji sasa akili zinazoweza kuelewa usahili wa utauwa. Zaidi ya tunavyotamani kitu kingine chochote, tunapaswa kutamani kuwa na Yesu Kristo akikaa katika hekalu la nafsi, kwa sababu hawezi kukaa humo bila kufunuliwa na kuoneshwa katika matunda na matendo mema.... Mungu anataka kila mmoja wenu awe mkono Wake wa msaada; na ukijitoa Kwake, atakufundisha na kufanya kazi kupitia kwako, ili uweze kushiriki na wengine. Kisha utaweza kusema, “Ee Mungu, Mkono wako wa kuume umenitegemeza!” (Manuscript 91, 1901).